



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**14 Mac 2023
21 Sya'ban 1444H**

SENARAI AKHBAR	TAJUK
Utusan Malaysia	<ul style="list-style-type: none">• Persatuan nelayan Perlis bantah aktiviti tangkapan siput retak seribu
Berita Harian	<ul style="list-style-type: none">•
Harian Metro	<ul style="list-style-type: none">•
Kosmo !	<ul style="list-style-type: none">• Nelayan tidak setuju beri lesen tangkap siput retak seribu
Sinar Harian	<ul style="list-style-type: none">• 10 nelayan Myanmar ditahan
The Star (Sunday Star)	<ul style="list-style-type: none">•
New Straits Time	<ul style="list-style-type: none">•
Nanyang Siang Pau	<ul style="list-style-type: none">•
Malaysia Gazette	<ul style="list-style-type: none">•
Harakah	<ul style="list-style-type: none">•
Malaysiakini	<ul style="list-style-type: none">•
Bernama	<ul style="list-style-type: none">•
Borneo Post (KK)	<ul style="list-style-type: none">•
Guan Ming Daily	<ul style="list-style-type: none">•
Sabah Media	<ul style="list-style-type: none">•

UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF				NEGATIF		NEUTRAL		24	14/3/2022

10 nelayan Myanmar ditahan

Maritim Malaysia turut rampas dua bot dan 1,000 kilogram hasil laut

Oleh SYAJARATULHUDA MOHAMAD ROSLI GEORGETOWN

Dua bot nelayan tempatan kelas C bersama 10 nelayan warga Myanmar ditahan dalam Op Pertiwi dan Op Tanjung yang dijalankan oleh Agensi Penguatkuasaan Maritim Malaysia (Maritim Malaysia) Pulau Pinang. Pengarahnya, Kepten Maritim Abd Razak Mohamed berkata, kedua-dua bot tersebut ditahan pada jam 11.30 hingga 11.55 pagi Ahad di kedudukan 32 batu nautika Barat Laut Pulau Kendi. Menurutnya, bot pertama dan

kedua, masing-masing di kendalikan oleh seorang tekong serta empat nelayan Myanmar berusia lingkungan 20 hingga 41 tahun. "Pemeriksaan awal mendapati dua bot tersebut berpangkalan di Bagan Hutan Melintang, Perak. "Hasil pemeriksaan lanjut, tekong dan kesemua nelayan dua bot itu gagal mengemukakan dokumen pengenalan diri serta permit kebenaran menggali kru warga asing, manakala pemilik bot disyaki melakukan kesalahan kerana membenarkan warga asing tinggal di dalam bot kepunyaannya," katanya dalam kenyataan pada Isnin. Menurutnya, 10 nelayan tersebut ditahan bersama 1,000 kilogram hasil laut dipercayai tangkapan dan perairan di sini. "Dua buah bot, 10 nelayan dan hasil tangkapan dibawa ke Jeti Pusat Tahanan Vesel Maritim Pulau Pinang sebelum diserahkan kepada pegawai pe-



Nelayan warga Myanmar yang ditahan kerana mencerooboh perairan Malaysia.

nyiasat Maritim Malaysia untuk tindakan. "Mereka disyaki melakukan kesalahan mengikut Akta Imigresen 1959/63 dan Akta

Perikanan 1985 kerana melanggar syarat sah lesen iaitu menggunakan warga asing tanpa kebenaran," katanya. Beliau turut memberi amaran

agar semua pihak terutama pengusaha atau pemilik bot tidak melanggar peraturan di laut termasuk menggaji pendatang asing.

UTUSAN MALAYSIA	/	KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN:		POSITIF		NEGATIF		NEUTRAL		29	14/3/2023

Persatuan nelayan Perlis bantah aktiviti tangkapan siput retak seribu

KANGAR: Tiga persatuan di nelayan negeri ini membantah sebarang aktiviti tangkapan siput retak seribu di perairan Perlis bagi menjaga ekosistem dasar laut daripada terjejas.

Bantahan tersebut disuarakan oleh Persatuan Nelayan Perlis (Pelaris), Persatuan Nelayan Kawasan Kuala Perlis (PNKKP) dan Persatuan Nelayan Kawasan Perlis Selatan.

Pengerusi Jawatankuasa Pertanian dan Industri Asas Tani negeri, Razali Saad berkata, persatuan nelayan di negeri ini kekal dengan pendirian untuk membantah sebarang aktiviti tangkapan siput retak seribu itu memandangkan tindakan berkenaan mengundang pelbagai kesan sehingga menyebabkan kemerosotan hasil laut lain.

“Sejak tahun 1986, siput retak seribu sememangnya banyak di kawasan perairan ini sehingga menyebabkan aktiviti tangkapan itu tidak terkawal dan merosakkan ekosistem dasar laut.

“Jika cara tangkapan yang digunakan itu salah, ia hanya akan menjejaskan keadaan tanah dan menyebabkan hidupan laut lain tiada lagi di kawasan ini,” katanya selepas sesi perbincangan isu siput retak seribu yang berlangsung di Lembaga Kemajuan Ikan Malaysia (L.K.I.M) Kuala Perlis di sini semalam.

Sebelum ini *Utusan Malaysia* melaporkan, hasil kegiatan menangguk siput retak seribu oleh nelayan negeri ini di per-

airan Kuala Perlis di sini mampu mencecah sehingga 40 sehingga 50 tan metrik dengan nilai mencecah RM75,000 sehari atau RM2.25 juta dalam tempoh sebulan.

Jika setahun, nilai hasil tangkapan berkenaan dikatakan boleh mencecah sehingga RM27 juta di sebalik aktiviti penangkapan siput tersebut diharamkan oleh Jabatan Perikanan.

Justeru, kira-kira 200 nelayan di negeri ini meminta agar Jabatan Perikanan ‘menghalalkan’ aktiviti tersebut atau sekurang-kurangnya mengeluarkan permit kepada mereka bagi melakukan kegiatan berkenaan disebalik hasil laut seperti ikan, udang, ketam dan sebagainya yang semakin merosot.

Mengulas lanjut, Razali berkata, pihak berkuasa seperti Agensi Penguatkuasaan Maritim Malaysia (Maritim Malaysia) dan Polis Marin juga diharap dapat memperhehatikan lagi operasi bagi mengambil tindakan ke atas nelayan luar yang melakukan aktiviti tangkapan siput retak seribu di perairan negeri ini. “Langkah ini bagi mengelakan pihak terlibat melakukan pencerobohan sekali gus mengugatkan ekosistem dasar laut di kawasan perairan ini,” katanya. Tambahnya, aktiviti tangkapan siput retak seribu itu tidak wajar dibenarkan memandangkan nelayan negeri ini hanya mempunyai kawasan terhad bagi menangkap hasil laut.

UTUSAN MALAYSIA		KOSMO!	/	THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF				NEGATIF		NEUTRAL		16	14/3/2023

Nelayan tidak setuju beri lesen tangkap siput retak seribu



IPUT retak seribu yang ditangkap ditinggalkan untuk dijual di pasar-pasar.
GAMBAR HIASAN

KUALA PERLIS - Tiga persatuan nelayan bertegas untuk tidak membenarkan pengeluaran lesen menangkap siput retak seribu bagi menjaga ekosistem marin di perairan negeri itu.

Persatuan tersebut adalah Persatuan Nelayan Perlis, Persatuan Nelayan Kawasan Kuala Perlis dan Persatuan Nelayan Kawasan Perlis Selatan.

Pengerusi Jawatankuasa Pertanian dan Industri Makanan negeri, Razali Saad berkata, keputusan itu mengekalkan dasar yang dibuat dalam mesyuarat agung persatuan terlibat dalam menjaga keterjaminan makanan dan sumber marin.

"Selain faktor cuaca, isu kekurangan hasil laut adalah di-

sebabkan kegiatan menangkap siput retak seribu yang menggunakan kaedah salah sehingga merosakkan dasar laut.

"Dalam menyuarat hari ini (semalam), pihak nelayan mendedahkan cara sesetengah nelayan menangkap siput menggunakan kaedah menangguk bukan tradisional menyebabkan tahap kerosakan kritikal dasar laut dalam tempoh lama," katanya pada sidang akhbar di pejabat Lembaga Kemajuan Ikan Malaysia (LKIM) di sini semalam.

Kata Razali, Perlis mempunyai kawasan laut terhad untuk aktiviti menangkap ikan iaitu sepanjang garisan pantai dari sempadan Thailand ke Kuala Sanglang, Kedah sejauh 19 kilo-

meter dengan nelayan hanya mempunyai jarak lapan batu nautika dari pantai ke tengah laut.

"Dalam perbincangan ini, pihak persatuan dan agensi berkaitan memohon pasukan penguat kuasa seperti polis marin dan Maritim Malaysia bertegas dalam mengekang aktiviti pencerobohan nelayan luar yang menangkap siput retak seribu secara haram.

"Untuk pengetahuan, aktiviti penangkapan siput retak seribu telah diharamkan sejak tahun 1980-an lagi bagi menjaga ekosistem marin dan sebelum ini hanya kaedah tangkapan menggunakan tangguk tradisional sahaja dibenarkan," jelasnya.